

八瓊室金石補正

第十册

八瓊室金石補正

卷之十

八瓊室金石補正卷十八

太倉陸增祥撰

男 繼煇校錄

吳興劉承幹覆校

東魏二

田安祥造象題名

連座高三寸七分題字在象背佛座平處字徑一分有半正書在新城楊氏

元象元年四月八田安祥造象

杜収虎造象記

刻象背高七寸廣四寸四行行八字至十字字徑五分餘正書

大魏元象元年六月世日杜収肅為亡父母敬造觀世

音象一區顛令亡尊托報紫蓮面奉于聖

筠清館作杜牧虎云在漢陽葉氏補訪碑錄作杜
收虎云仁和韓氏家藏案收字近之或云雙字之
俗葉韓兩家所藏近均散出不知歸誰何矣

劉壽君造象記

刻佛座正面及兩側正面高八分廣二寸八分兩側
高一寸六分廣一寸八分十二行行字不等字徑三
分正書

元烏元年十二月廿一日佛弟劉壽君上為因祚永□
哈□同□居家眷屬恒歸佛兩

右象得之正定拓工李寶臺今為韓小亭女夫 泰華

攜去字甚悖憚諦視之方可辨識身古象字佛弟下

奪一子字哈當爲合字之別

常山貞石志

沈氏以哈爲合字哈下作己未的當是哈生二字

同下沈作敬亦未可信末一字疑面之殘闕

儀同三司文靜公李憲墓誌

方二尺八寸三分四十七行行四十七字字徑五分餘正書方界格在趙州

魏故使持節侍中都督定興相殷四州諸軍事驃騎大將軍定州刺史尙書令儀同三司文靜李公墓誌銘

□諱憲字仲軌趙國柏仁人也自姬水開原商邱肇搆戎呂感夢蜚範戎呂非遺無名世復公侯門兼將相長

瀾寫而不竭□葉布而弥芳大父太尉宣公位隆庶尹
功高列辟故已流美笙鏞圖烈尊鼎考安南使君陪遊
博望侍講金華惠民辟國□存舊老公稟川巒之秀氣
資辰鼎之上靈琬琰積而成德圭璋達而爲寶儀製瑰
萃音神秀徹仁惠由已孝友自天言爲□的行成規矩
業備齊韓薛兼鄭衛落落有千刃之姿堂堂成万夫之
目初在庠寅遭家多難事切趙孤獲全魯保有客汲□
勇義忘身慕程嬰之高範懷李善之忠節恩斯鞠我同
羣虎狼雖事窮人跡而季周天道忠而爲戮卒逢寬政
遺薪復荷□□還興季十有二爲秘書內小投刺公卿

拊麤街巷等偉器之傾壘同璧人之迄市 高皇深加
寵異札秩稍增及尔同□□而不逮季十七繼立爲漢
陽侯尋除散騎侍郎既德隨季上亦位逐恩隆入參帷
席出倍輿輦綢繆樞禁左右生光屬養礼云及念切閭
井始露丹衿終迴白日乃除建威將軍趙郡内史懷組
下車衣繡從政化同春氣澤侔時雨枳棘靡遺藿蒲自
息非宜廣陵興頌襄陽作歌而已及將巡五嶺親御六
師幕府上寮事歸僉屬乃徵爲大將軍長史尋除吏部
郎中呂憂去任復徵爲太子中庶子公孝思天至羸頓
過人屢哀求哀久不獲命既而 一人在天百官總已

司轄翰端任殊往日徵爲尙書左丞復固辭不起後除
驍騎將軍尙書左丞未拜仍除吏部郎中經綜流品抑
揚雅俗艸萊自盡隱屈無遺轉司徒左長史守河南尹
外家貴臣舊難爲治而水火兼行韋弼具舉曾未朞月
風化有成獄犴蕭條桴鼓虛置邵公流稱於苒清徽未
逮子華垂譽於後芳躋在目出爲使持節都督兗州諸
軍事左將軍兗州刺史先之簡惠重己廉平縫掖相趨
絲歌成韻風動雲行無思不徂褰帷從事遠未爲匹露
袞訓庸詎云能擬既而妻斐內構癰痼外成反顧三河
龍門日遠未動終窮之歎故絕行樂之諄酌醴焚枯高

□古管曰詩賦爲錦綺用經典爲膏肓
覬常待終不從流俗闔門靖軌十載於茲
既體中庸時來不廷乃爲光祿大夫銀章青綬屬西戎滑序
蜎起狼顧玉石靡今芝藿同盡陸海神臯化爲巢窟自非政同豹產
謀協方邵燕呂作鎮陵輔式遏艱虞加安西將軍呂本官行
離州事未幾徵爲撫軍將軍七兵尙書龍淵礪而淪明江海
酌而難竭臺閣不理於此有歸轉鎮東將軍于時長蛇
荐食憑陵南鄙孤亭遠戍所在到縣徐州刺史元法僧
彌邑與賄策名境外翰廷乃眷東顧日昊忘飡呂公爲
征東將軍東討都督清濟河如拾遺舉彭沛於覆手皆

奇聞竝立聲實俱行所已役未踰時而功不世出尋除
使持節都督揚州諸軍事征東將軍揚州刺史淮南大
都督梁氏舉吳越之衆堙桐柏之流刀斗沸於堞下勝
歌起於城上負戶而汲易子而炊事等九積勢若綦累
國家經營內難非遑外圖故載離寒暑而終於淪陷吳
人雅挹風槩義而還之乃盤水挈纓自拘司敗雖藥異
人生而禍從地出知與不知莫不銜涕時年五十八惟
公志識貞遠器局淹峻昭冥不改其節風雨無易其音
耕道獵德枕仁藉義喜怒不形於色得喪俱遣於懷不
諂不驕無怨無讞資仁成勇移孝為忠周於御已達於

從政故曰德秀生民聲動天下而報書無徵云亾奄及
道消遂往逝水不歸運開追復幽泉已閉乃贈使持節
侍中都督定冀相殷四州諸軍事驃騎大將軍定州刺
史尙書令儀同三司謚曰文靜礼也雖復賜地城傍陪
陵有託思鄉動夢歸本成礼越曰元爲元季十二月廿
四日合葬於舊墓管胡公有銘棺之義熙伯著書版之
辭故敬述徽範貽諸長世其銘曰

巖巖秀嶺浩浩豐原既稱世祿亦号儒門揚風上緒播
美來昆文武不墜風俗猶存比德山川資明爲緯道雖
曰損學乃□費非齒而尊捨爵而貴藝貫耶魯聲傳梁

魏搏風上運驤首高馳終季四轉卒歲三移高冠岌岌
駢組陸離迴顧敵齒傍望肩隨牧州典郡化成朞月來
儀少陽實應僉曰官方務本動爲功伐東建旌麾南專
鈇鉞方期難老永作棟梁逶迤袞職邦家之光斯望既
舛如何彼倉老少有慟鞠野悲涼葬等反周魂同思沛
風翼歸憶雲承還蓋驚冕加榮龍旗追會泉門長掩芳
麤永塤

夫人河間邢氏 父肅州主簿

長子希遠字景冲州主簿少喪 子長鈞字孝友開府
參軍事 第二子希宗字景元散騎常侍中軍大將軍

出後 缺

第三子希仁字景凶輔國將軍中書侍郎

第四子騫字景讓散騎常侍中軍將軍殷州大中正

第五子希礼字景節征虜將軍司空諮議修起居注

長女長輝適龍驤將軍營州刺史安平男博陵崔仲招

父秉司徒靜穆公 第二女仲儀適兖州司馬郭海

高 缺 侍御史 第三女叔婉適兖州刺史漁陽縣開國

男博陵崔巨 父逸廷尉卿 第四女季嬪適司空公

安樂王 缺 銓尙書左僕射武康王 第五女稚媛適驃

騎將軍左光祿大夫滎陽鄭道邕 父瓊青州刺史

希遠妻廣平宋氏 父弁吏部尙書 孫祖牧字翁伯

太尉外兵參軍 長鈞妻河南元氏 父孟和司空公

缺 譚亮開府參軍事 第二孫譚德 第三孫摩訶

第四孫毗羅 孫女迎男 希宗妻博陵崔氏 父

楷儀同三司 孫祖昇字孝舉司徒參軍事 第二孫

祖勲字孝謀 孫女祖猗適安樂 缺 希仁妻博陵崔

氏 父孝芬儀同三司 孫伽利 第二孫黃父 騫

妻范陽盧氏 父文翼開府諮議 孫女寶信 希礼

妻范陽盧氏 父文符正貢郎 孫僧藏 祖牧息白

石 僧德 女阿範

右儀同三司文靜公李憲墓誌近出趙州土中移

置書院壁間案李憲魏書北史俱有傳傳稱平棘人誌稱柏仁與傳不同憲之曾祖系官平棘令蓋先籍柏仁後居平棘焉憲祖順字德正眞君三年被誅皇興初以子敷等貴追贈侍中鎮西大將軍太尉公高平王諡曰宣王誌言宣公亦與傳不同疑傳有誤敷傳云襲爵高平公不言王也父式字景則厯散騎常侍平東將軍西兗州刺史濮陽侯誌稱安南使君當是後來追贈者史之闕略也誌云初在庚寅遭家多難當指皇興四年敷式駢誅之事是年歲次庚戌誌言庚寅當是誌誤誌敘憲

歷官多與傳合惟傳云太和初襲爵又降爲伯拜
祕書中散雅爲高祖所賞據誌則祕書在襲爵之
前也誌不言降爵者略之傳稱趙郡太守據誌則
趙郡內史也傳不言建威將軍者略之其大將長
史太子中庶子傳不之及任不久辭不拜也傳云
定州大中正尋遷河南尹誌不言大中正者誌之
疏漏其出爲兗州刺史事在永平三年拜光祿大
夫事在正光四年誌不言復本爵者略之行雖州
刺史事在正光五年轉鎮東將軍事在孝昌初年
傳言徐州都督誌言東討都督似異而實同傳不

載征東將軍者傳之闕漏除揚州刺史亦在孝昌
初年贈官錫諡事在永熙年間憲死於孝昌三年
至永熙而追復至元象而營葬距憲死已十二年
矣誌云將巡五嶺親御六師太和十七年高祖南
伐之時也一人在天百官總已景明元年世宗卽
位之時也萋萋內構癰疵外成永平四年黨附高
肇被劾除名也經營內難非遑外圖元又劉騰交
結跋扈也吳人雅挹風槩義而還之乃盤水挈纓
自拘司敗此作者文飾之辭據傳則自求還國敕
付廷尉耳又按帝紀孝昌元年元法僧叛詔鎮軍